

# **Mepepelime me ire mə Bulu a tyo ya Timoti**

*Ucuduwu wa aatagada a nda*

A mantsa ma na Bulu dənayi Timoti mepepelime ma nda, u dənəq tə qətsumə o u'wa wa ali. Mepepelime ma nda u rotso tə mepepelime ma na dada tsu dənāa mawun ma na u cigai. Bulu damma tə Timoti təwəq u kalyuwə yi pe qətsumə o u'wa ali.

Bulu damma tə Timoti cine wəqə guzə aciyayi ulobonu, reve u suma məlyungwə. U yuwan tə iroci cine u lobonoi lingi və qəbulə qə Kristi dənəq. U ca tə Timoti əsələ u lyuwa elime nu uritosu wə yi wa ama adama e Yesu Kristi.

Ana'an fo za vi Itoni to o mpolo nə məlyungwə. Mepepelime ma nda ma ta kamba ama qə kudə riya qə məlyungwə. Əsələ qə Bulu qə tyo ya Timoti ili i tə i da qə tyo e ekere qə aza e Itoni ana'an.

*Ili i na i ri pe qətsumə a aatagada a nda*

1. Icaṣu na avasa adama qə Timoti (1:1-2)
2. She a uwua wono adama a Zgbain wan (1:3-18)
3. Cine vuma oo o'wo soja və qəbulə və Kristi (2:1-26)
4. Cine ama oo o'wo a rana vu ukosu (3:1-9)
5. Malya me elime qətsumə a amayun (1:10-4:8)
6. Əsələ a vuma ləngə ni icəsu yu ukosu (4:9-22)

*Ucuduwu*

<sup>1</sup> Amu da Bulu, aajiya e Yesu Kristi Zamawawa adama a na Asulà a ciga tā wo o'wo ne. U yuwan tā ne adama n damma koyan nzuwulai n na Asulà a yuwain a na waa ca za suru wuma e ekere e Yesu Zamawawa.

<sup>2</sup> N ta danasaa wu Timoti, macigata ma mawun ma và. Asulà Dada tsu da waru Yesu Zamawawa Zagbain tsu da. Icigi i và i da o roco wu isa'ani waru e ene iliyali yà wu. Waru a lyawa wu vu tsura asuvu nden.

### *Vu lyuwa elime nu ucasu wo okolo*

<sup>3</sup> Urana na ayin suru, n tsu cuwan tā na avu kuci atsumà a avasa à và. Nnà maa yuwusan avasa n tsu godyo tā Asulà adama à wu. Ayi nda ayi da Asulà a na maa yuwusaan agàndà na asuvu a sa'ani, ununa nkaya n và n yuwain.

<sup>4</sup> N ta ciga me enishe wu waru babu uro, adama a na n cuwan tā a na vu shoyin na abara a mantsa ma na tsu kasai. Nà tsu ga'asisan waru n tā zanganà lon.

<sup>5</sup> N reve tā vu tā nu ucawu wo okolo lon cine mma và wu Afiniki ri nà ayi nà cine kaka và wu vu ka Loyisi ri fo nà ayi.

<sup>6</sup> Adama o ndolo n ta dansaa wu vu fàlà une'e u na Asulà a ca nuwu ana n kuruwà nuwù ekere.

<sup>7</sup> Asulà a ca tsu okolo o wovon shì, agba u ca tsu tā okolo o ucira, ne e icigi, waru u tsu kambusa tsu tā tsu guza aciyatsu.

<sup>8</sup> Vu damma ozo o ro adama a Zagbain tsu, waru she vu uwua wovon wi ili i na ama aa damma wan, nnà vu yuwan ne. Waru she vu wasan mu atsumà a ama adama a na à gutsu numu adama à Kristi Zamawawa wan. Amma, nu ucira u na

Asulə a ca nuwu vu sowo ətsumalima obolo nə əmu adama a Alabari a Sa'ani.

<sup>9</sup> Asulə a wawa tsu tə, waru u dangwa tsu tə tsu yuwan nden n wuma wa akiza. De nu ujimu kafu a yuwan uvadī dada u fobo niyi ne. U ciga tə u roco tsu icigi ni isa'ani ya yi e ekere e Yesu Zamawawa. U dangula tsu o unə u na tsu yuwain ili i ro i na tsu ntsayi a dangula tsu shi.

<sup>10</sup> Asulə o utaqə tə ili i na maa yuwusan adanshi a yi a alanga e eteshe, ana Yesu Zamawawa tawə u kudai ucira wu ukwə, reve u roco tsu ure u wuma u na u ri nu ukotu shi. Ayi da Za vi Iwawi waru Alabari a Sa'ani a dada nda.

<sup>11</sup> Gogo Asulə a dangwa mu tə n damma ili i nda. U dangwa mu tə mo o'wo aa jiya. Reve waru u zuwa mu mo o'wo manlu ma Alabari a Sa'ani.

<sup>12</sup> Adama o ndolo a da n ri pa o u'wa wa ali o sowuso ətsumalima. Amma mu uwua wono shi, adama a na n reve tə vuma na n cayi okolo ə va, waru n reve tə u te geshe ili i na n ca niyi, waru u te geshe le hali mantsa ma na u kəmbəi.\*

<sup>13</sup> Vu guza ili i na n rito nuwu wo o'wo iroci yu uritosu u mejege. Waru vu cuwan vu zuwa okolo kpàra ubatə wə Yesu Zamawawa, əvu vu ciga ama adama ə yi.

<sup>14</sup> Vu kalyuwə ili i na u ca nuwu ulobonu. Ruhu va Akiza to obolo nə ətsu, əyi da waru waa kamba

\* <sup>1:12</sup> Ure u ro u na vuma a gura tsurə urevu wi idanshi i na Bulu danai əyi da “u ta gura geshe ili i na u ca nuwu.” Urevu wi ili i nda əyi da Zamawawa ca tə de Bulu əzə e Itoni a sa'avu nu ulinga u na waa yuwan, to gogo a na Bulu cigai makuwə, u tə nu uzuwu wo okolo a na ulinga u na u farai u ta lyuwa elime adama a na Zamawawa'a na aciyayi u tə kalyuwə ulinga u ndolo na aciyayi.

wu vu yuwan ili i nda.

<sup>15</sup> Ununa vu revei, ama ą tsu ątsumą e ida ya Asiya a 'yuwan tą na aa kamba mu, hali ną Fijala ną Hamajana.

<sup>16</sup> N ciga tą Zagbain roco isa'ani ląngą ą tyo ya Onisifara ną ązą o u'wa wą yi suru adama a na u tsu kąlyuwusą mu tą nu u dąshishi numu asuvu ugbamu. Ko na n dąnai o u'wa wa ali u wasan mu shi.

<sup>17</sup> Ana u tąwai Roma,† u bunga tą ubatę suru hali she na we ene numu.

<sup>18</sup> Adama o ndolo, n ciga tą Ąsulazuva o roco yi isa'ani ląngą o urana u na Kristi Zamawawa aą kambą. Waru vu reve tą Onisifara kamba mu tą lon ana n dąnai ątsumą a Afisu.

## 2

### *Soja vą ąbulą e Yesu Zamawawa*

<sup>1</sup> Gogo mawun ma vą, vu dąnų no okolo ugbamu e isa'ani ya Yesu Zamawawa.

<sup>2</sup> Vu uwwa tą ikaka i vą, waru ama ną ąbundą ą usu tą ikaka'a. Gogo, vu ca ama a na a gura soduwo matsan ikaka'a adama o rito ozo o ro.

<sup>3</sup> Vu bolo aci ną ąmu ątsumą ą ątsumalimą a na moo sowuso, ne da voo o'wo soja vą ąbulą vą Yesu Zamawawa.

<sup>4</sup> Nną za ro aa yuwan ulinga u soja, u tsu yuwan ulinga u ro shi. Ne da u tsu yo'onoto zagbain vą yi okolo.

<sup>5</sup> Nną za ro uwa ala'anlai o uro wi iladī, waa lyuwa aci a ala'anlai'i shi, she nu u kuru wilą wa ala'anlai e iladī'i.

**6** Cimbi na gasai ujuvu cacawu mejege ayi da waa fara lyuwa ili i na u cu'wain.

**7** Vu yuwan majiyan me ili i na maa dansa. Asulazuva a ta kamba wu vu reve ili i nda.

**8** A mantsa suru vu cuwan na Yesu Zamawawa. A matsan yi taq diga o ugundo u Mogono Dawuda waru aq'yaṣan yi taq diga o ukwa. Ayi da Alabari a Sa'ani a na maa yuwusan alajiya.

**9** Waru adama a na maa dansa Alabari a Sa'ani a nda, ayi da i zuwai moo sowuso atsumalima avu aq nla mu na akani vadamma za vu unusu. Amma aa gura zuwaa adanshi aq Asula akani shi.

**10** N tu ufobu n sowo cu'un va atsumalima suru, nnu u taq tawaq ni iwawi ubata wa ama a na Asula a dangwai o o'wo aza a yi, avu waru aq tsura tsugbain tsa babu ukotu e ekere e Yesu Zamawawa.

**11** Adanshi a nda amayun a da:  
Nna tsu kuwa obolo na ayi,  
tsu ta yuwan wuma waru obolo na ayi.

**12** Nna tsu kaba asuvu na atsumalima,  
tsu ta yuwan tsugono obolo na ayi.  
Nna tsu wasan yi,

ayi fo u ta wasan tsu.

**13** Nna tsu ri na aqbula shi,  
ayi u taq na aqbula,  
adama a na ayi waa wasan aciyayi shi.

### *Lingi na o soduwoyi matsan*

**14** Vu cuwaan za suru ili i nda, waru vu rono le atsuvu aqsuma a ala aq Asula a lyawa a yuwusan nlangi adama a adanshi a nda na adanshi aq ndede. Cu'un mawasan mo ndolo ma ri nu urana shi, waru u ta varu aza a na a uwwa nle.

**15** Vu yuwan ulinga babu uro adama Àsula o soduwo wu matsan. Vo o'wo lingi sa'ani, za na a uwwa wono shi, waru za na aa gura ca ucuduwu wa adanshi a amayun.

**16** Vu suma mayan ma adanshi a vanvama a na à tsu tawaqà Àsula nà tsugbain shi. Ili i ndolo i tsu zuwa tà ama à kudà ca Àsula tsugbain.

**17** Icu'un ya adanshi a nda a tsu baza tà vadamma mbaàla mu dodi. Hamanaya nà Filita ele da iroci ya ama a na aa yuwusan adanshi a nda.

**18** Ama a nda a lyawa tà ure wa amayun, reve à kàrà a dansa a na Àsula à 'yasan tsu tà de àza e Itoni àtsuma à akwàkwa, ne da à lungusai ucawu wo okolo a ama o ro.

**19** Amma amayun à Àsula à tà lo vadamma ikyun yu usaa i na a varai na aatali àvu e she'en de udammu u nda: "Àsulazuva e reve tà aza a na à ri àzà à yi," waru "Aza a na a adansa àzà à Àsulazuva a da à ri, a suma mayan me ili i wuya suru."

**20** O u'wa wu utsuru, itana i na a yuwain nà zinariya nà azurufa da ri pe goon shi, amma itana i ro gba shi a yuwan le tà nà danga no olo'o. A mantsa mà àbuki ma da a tsu yuwan ulinga ni itana yi ikebe, aza a babu ikebe gba shi adama o ulinga wa ana'an nà nfa'an.

**21** Nà vu kambàto ili yu uwuyanu i wuma wà wu cece, vu to o'wo tana na Àsula aa yuwan nà àyi ili i na u cigai. Wuma wà wù u tà dàna cece, waru vu tà dàna ufobu u na Zavu'wa aa yuwan ulinga nà àvu àtsuma o ulinga u sa'ani suru.

**22** Vu suma icigi yi iwuya i tsumuwun suru na ya tawaqà nà mariyà. Amma vu toni ili suru i na yaa zuwa wu vu yuwan ili i na i ri mejege. Vu zami

ucawu wo okolo, ni icigi, na asuvu nden, waru vu uwu uyo'o wu mmalu obolo na aza a na ee desu ala a Asulazuva na asuvu a tā.

<sup>23</sup> Waru, n ta dansaa wu, she vo oto aciyawu atsumaq a mawasan ma adanshi o tsulo wan, waru vu golo aciyawu na aza a na e revei ili shi wan. Ili i nda i tsu sato tā ama nlāngi.

<sup>24</sup> Agbashi a Asulazuva a ciga a 'yuwan a yuwan mawasan wan, amma e ene iliyali ya ama suru. Waru a gura rito ozo o ro mejegi, waru a yuwan ankuri na ama a na a ri usan wu nden.

<sup>25</sup> Orito aza a na a wasain amayun na ankuri. Ko Asulā a ta vadala okolo e le, reve a ushi amayun.

<sup>26</sup> Hali ama o ndolo a fara majiyan ma sa'ani avu a fatsaq diga a maza me Mekerensu. Adama a na hali n gogo Mekerensu mā guza le tā agbashi, adama u zuwa le a yuwan ili i na u cigai suru.

### 3

#### *Rana vu ukosu*

<sup>1</sup> Polo atsuvu a wu vu uwu, atsumalima a tā dānā lo abundā lon a rana vu ukosu.

<sup>2</sup> Ili i na i zuwai ayi da, ama a ta a ciga aciyele goon, waru o to o'wo azā e icigi ikebe lon. A tā dānā tapu nu uvadu atsumaq a adanshi, waru a dānā tapu nu u'yasasan wa avangaci. A mantsa suru a tā dānā a lamusaa Asulā. Aa yuwan tsutoni na mbara n le shi, waru aa cuwa ili shi. Waru a ta 'yuwan ili ya Asulā.

<sup>3</sup> Oo roco icigi shi, waru aa gura yuwaan o ozo o ro gafura shi. A ta yuwan open a tyo ekere o ozo o ro, aa gura golobo aciyele shi. A tā dānā azā e

ibongi babu uyo'o, waru aa zuwa okolo e ili i na i ri ulobonu shi.

<sup>4</sup> A ta wina n'utsaq n le. A ta dana a yuwusan ili babu majiyan, waru a ta shiwan nu u'yasasan wa avangaci na a ushiyi ica ye open. A ta ciga mawwa mo uyo'o wi ili yu uvadi o una u na aa ciga Asula.

<sup>5</sup> A ta yuwan gashi a ta yuwan ili i na Asulaq a cigai, agba aa lyawa ucira wa Asulaq u vadala le shi. Vu suma icu'un ya ama o ndolo.

<sup>6</sup> Babu usan ama a nda a tsu uwa ta a 'wa ben reve a pusaq amaci a na a ri nu ucira shi na aza a na unusu wa damatosun, na aza a na icigi yi ili yu uvadi i zuwai elime ana.

<sup>7</sup> A mantsa suru icu'un ya amaci o ndolo a tsu kuru ta uritosu u sa'avu, agba a tsu gura reve amayun shi.

<sup>8</sup> Agba munlu n nda a mantsa suru a ta yuwusan nlangi na amayun cine Yanisu na Yambinsu\* yuwain nlangi na Musa. Okolo e le a tu uwuyanu, waru ucawu wo okolo e le u ri mejege shi.

<sup>9</sup> Aa tsurq ulyuwu we elime shi, adama a na za suru te ene tsulo tse le. U fara ta ne na Yanisu na Yambinsu.

### *Bulu damma ta Timoti ili i na waa yuwan*

<sup>10</sup> Agba aqv Timoti, vu reve ta ili i na n ritoi, waru vu reve ta cine n yuwain nden mu uvadi n va. A wuma u va vu reve ta ili i na n dana e izami. Vu reve ta nu ucawu wo okolo u va na cine n jimai

---

\* **3:8** "Yanisu na Yambinsu" Alabari a aza a Isra'il a damma ta a na Yanisu na mawun ma anawu ma yi Yambinsu ele oboci a Firi'awuna a da a na a shi a cigai a putsaa Musa nu ulinga wa yi (Mtq. 7:11). Ala e le a pe atsumaq a Nzuwulai mu Ufaru shi.

na ankuri. Vu reve ta icigi i va na cine n kabai asuvu.

<sup>11</sup> Vu reve ta abunda a malyungwa ma na n sowoi waru vu reve ta abunda a atsumalima a na n sowoi. Vu ta nu urevu u malyungwa ma na n sowoi suru atsuma a Antakiya, ni Ikoniya, waru na Lisitira, avu gba Zagbain uta mu atsuma e le suru. ♦

<sup>12</sup> Ili i nda amayun a da: vuma suru na cigai u yuwan wuma hali u yo'onoto Asula okolo atsuma e Yesu Zamawawa u to sowo atsumalima a malyungwa.

<sup>13</sup> Amma aza e iwuya no oboci a ta tsura ulyuwu we elime. A ta ri n yuwusan ozo o ro ugbozu, waru ozo o ro a ta ri n yuwusan le ugbozu.

<sup>14</sup> Amma vu 'yuwan vu ciga vo o'wo za vu ucawu wo okolo wa amayun a tyo e ili i na munlu ma wu n rito nuwu. Vu reve ta a na uritosu u le amayun a da, adama a na vu reve ta munlu ma wu waru vu soduwo le ta matsan.

<sup>15</sup> Diga a mantsa ma na vu danai merebu o rito wu ta Adanshi a Asula. Ayi da u ca nuwu ugbozu u na vu ushiyi iwawi. Iwawi'i u tawa ta o ure wu ucasu wo okolo wa amayun ya Yesu Zamawawa.

<sup>16</sup> Suru idana atsuma a Adanshi a Asula† o uta ta diga o una wu Asula, waru adanshi'i a ta nu ucira u na woo ritosu ili i na i ri amayun, waru u zuwa tsu tsu reve ili i na i ri mejege shi a wuma u tsu. Adanshi a Asula a nda u ta lapulusa nden m babu ulobonu u na tsaa yuwusan, waru u to ritosu tsu tsu yuwan ili i sa'ani.

<sup>17</sup> Tsunda tsa da Asula o fobo ntsu adama e ili suru, adama tsu tsurai ili suru na aa zuwa tsu tsu

---

♦ 3:11 Ajy. 14:1-28.

yuwan ili i sa'ani i na Asula a ciga ntsu tsu yuwan.

## 4

<sup>1</sup> Vu reve na urana u ro Yesu Zamawawa te ge'eto vadilimä suru na ri wuma, waru u te ge'eto akwakä suru. Ili i nda i to o'wo a mantsa ma na u tawai adama u teme tsugono tsä yi. Gogo, n ta mishin a makakan mä Asula nä a makakan mä Yesu Zamawawa, waru n ta dansaa wu

<sup>2</sup> vu yuwan alajya a adanshi a Asula. Vu 'yuwan ciga vu danä a yuwusan ne ko nä mantsa, ko babu mantsa. Vu ciga vu 'yuwan vu yuwaan aza a wu ulapulu nu uritosu u sa'ani. Uritosu'u u roco le unusu u le, waru u dashi ca le ubgamu wa asuvu. Vu yuwan ili i ndolo na ankuri.

<sup>3</sup> Vu yuwan ne adama a na mantsa mä ta lo a tawä a na ama oo polo atsuvu a uwwa uritosu u sa'ani shi. Ili i na a cigai adama a aciyele a da goon oo toni, waru a ta zami munlu n na maa damma le ili i na a cigai a uwwa.

<sup>4</sup> Ama a nda a ta 'yuwan amayun, waru o to toni uritosu wa alabari o ro.

<sup>5</sup> Suru nä ne vu yuwan majiyan ma sa'ani atsumä e ili suru. She vu uwwa wovon u na voo sowo atsumälimä adama a Zagbain wan. Vu yuwan ulinga u na vaa tawä na ama ubatä wa Kristi Zamawawa, ne da voo koto ulinga u na Asula a ca nuwu.

### *Ukosu wi idanshi wa Bulu*

<sup>6</sup> Amu gba a ta tsusun wuma u vä tsä kucci a tyo e ekere a Asula. Waru mantsa ma na mäkuwa ma yuwan ta zuzu. <sup>◊</sup>

---

◊ 4:6 Mkc. 28:7.

<sup>7</sup> N yuwan tā mpolo n wuma ulobonu, n koto tā iladi, waru n guzā tā amayun.

<sup>8</sup> Gogo nda gba babu usan n tā tsura une'e wi iliyinkapa. Zagbain ta ca mu ookokolot a nden ma añula. Adama a na Zagbain za vu uge'etosu za vā añula da, ayi da i zuwai waa ca mu ookokolo a abajini o urana u na wā kambā atsumā o uvadi. Agba iliyinkapa i nda wā dānā adama a vā goon shi, amma a tyo a ama a na a zuwai esu o ukambu u tsugbain tsā yi.

<sup>9</sup> Vu yuwan ankuri vu tāwā gogo.

<sup>10</sup> Dima kara tā u lyawa mu adama a na u cigai ili yu uvadi. Reve u kara a tyo Tasalonika. Waru Karaka kara tā a tyo Galatiya, Titu gba shi kara tā a tyo Dalamatiya.

<sup>11</sup> Luka da ri pa obolo nā amu goon. Nnā vañ tāwā pa ubatā u nda, vu tāwā nā Marku obolo nā avu adama u kamba mu.

<sup>12</sup> N lyungu tā Tikiku a tyo Afisu.

<sup>13</sup> Nnā vañ tāwā, vu cuwan vu tāwā mu nu utugu wu utanu u na n lyawai ya Kabu atsumā a Taruwasa. Waru vu tāwā mu na atagada a vā, waru vi icina vu tāwā mu nā avu'un a tā a tā a vā wan.

<sup>14</sup> Iskandari maruma ma da mā dānāi. Vuma nda yuwaan mu tā iwuya lon, agba Zagbain te ge'eto yi adama e ili i na u yuwan.

<sup>15</sup> Vu yuwan ugbozu nā ayi, adama a na u yuwan tā nlangi ni ili i na tsu dammai suru.

<sup>16</sup> Ko za dānā obolo nā amu shi a mantsa mo ufaru ma nā a 'yawai nā amu ubatā wu za vu uge'etosu. Ama suru a suma mu tā. N zuwa tā okolo ee kecee le unusu u ndolo o unā u nda shi.

**17** Agba Zagbain dana tə obolo na amu, reve u ca mu okolo ubgamu, adama n yuwan alajiya a Alabari a Sa'ani ubata u na Atakpací oo poloo mu atsuvu. Avu Zagbain wawa mu a na n shi a kuwa.

**18** Ee, ne da Zagbain oo utaq mu atsumaq e iwuya suru, waru u ta tawaq na amu gbaga o tsugono tsa zuva tsaq yi. Lyawa tsugbain tsaq dana e ekere a Asulə babu ukotu. Ami.

### *Icasu ya Buluyu ukosu*

**19** Vu casaq mu Birisika na Akila na aza a na a ri pe atsumaq o u'wa wa Onisifara.

**20** Arasata buwa ta pe atsuma a Korinti. Waru n lyawa ta Tarafima a Milita ubanakun.

**21** Vu jikə, vu tawaq ubata u va kafu mantsa mo utanu. Waru Awubulu te icasu ya wu, ne da waru Budi na Lina na Kaludiya a ri e icasu ya wu, hali na azaq a tsu azaq e Itoni suru ali na amaci.

**22** N te ipati Zagbain dana obolo na wuma wa wu. Waru isa'ani yi Zagbain i dana obolo na adu suru.

**Nzuwulai n Sa'avu nā Tsishingini nā adiva a  
na a dangulai a Nzuwulai mu Ufaru**

**New Testament in Tsishingini (NI:tsw:Tsisingini)**

copyright © 2011 Wycliffe Bible Translators, Inc.

Language: Tsisingini

Translation by: Wycliffe Bible Translators, Inc.

**Copyright Information**

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Tsisingini

**© 2011, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

---

PDF generated using Haiola and XeLaTeX on 18 Apr 2025 from source files  
dated 29 Jan 2022

bb185c63-dc44-572c-ae93-66252c4dfa1e